



მდგრადი სოფლის მეურნეობა აჭარის ავტონომიურ რესპუბლიკაში

სახელმძღვანელო საგრანტო განაცხადის წარდგენის შესახებ

ძირითადი ინფორმაცია პროგრამის შესახებ

პროექტის „მდგრადი სოფლის მეურნეობა აჭარის ავტონომიურ რესპუბლიკაში“ ძირითადი, გრძელვადიანი მიზანია აჭარის რეგიონში მდგრადი და ეფექტური სოფლის მეურნეობის ჩამოყალიბების ხელისშეწყობა. იგი ეხმარება აჭარის სოფლის მეურნეობის არსებულ პრობლემებს, საჭიროებებსა და შესაძლებლობებს და ეყრდნობა პროექტის: „ENPARD აჭარა“ შედეგებს. პროექტს ახორციელებს გეროს განვითარების პროგრამა (UNDP), აჭარის ავტონომიური რესპუბლიკის მთავრობისა და სოფლის მეურნეობის სამინისტროსთან პარტიორობით.

სხვა მიზნებთან ერთად პროექტი მოწოდებულია ხელი შეუწყოს მოგებაზე ორიენტირებული ფერმერების ბიზნეს ჯგუფების და კოოპერატივების პოპულარიზაციას და მისცეს მათ შესაძლებლობა თანამედროვე ტექნოლოგიების გამოყენებით გააუმჯობესონ წარმოებული პროდუქციის ხარისხი, გაზარდონ ადგილობრივი პროდუქციის კონკურენტუნარიანობა იმპორტირებული პროდუქტების და საექსპორტო ბაზრებზე კონკურენტების მიმართ და ამით მნიშვნელოვნად გაზარდონ კოოპერატივების წევრების არსებული შემოსავლები.

საგრანტო განაცხადის წესები

საგრანტო განაცხადი შეუძლია წარმოადგინოს აჭარაში მცხოვრებმა საქართველოს მოქალაქეებმა, რომლებიც დაკავებული არიან მეციტრუსეობის დარგში.

მიიღება მხოლოდ ჯგუფური განაცხადი. განმცხადებელთა ჯგუფში უნდა იყოს არანაკლებ ხუთი ადამიანისა.

საგრანტო განაცხადზე საბუთების წარდგენა შეუძლია ფერმერთა ნებისმიერ ჯგუფს, თუნდაც მას არ გააჩნდეს კონკრეტული იურიდიული ფორმა, მაგრამ საბოლოოდ, გრანტით სარგებლობა შეუძლია მხოლოდ კოოპერატივს და სასოფლო სამეურნეო სტატუსის მქონე კოოპერატივს.

საგრანტო განაცხადის პროცედურები

ნაბიჯი პირველი: განმცხადებელთა ჯგუფმა, სააპლიკაციო ფორმის შესავსებად და საჭირო ინფორმაციის მოსამზადებლად, უნდა მიმართოს გეროს განვითარების პროგრამის აჭარის პროექტს ან აჭარის სოფლის მეურნეობის სამინისტროს ქვემოთ მითითებულ მისამართებზე:

გეროს განვითარების პროგრამა,
ქ. ბათუმი, მელიქიშვილის ქუჩა N71

აჭარის სოფლის მეურნეობის სამინისტრო
ქ. ბათუმი, კომახიძის ქუჩა N119



ნაბიჯი მეორე: ჯგუფის/კოოპერატივის მიერ წარმოდგენილ განაცხადს განიხილავს კომისია. განხილვის საგანი იქნება პროექტის შესატყვისობა საგრანტო პირობებისადმი და მისი სარგებელი კოოპერაციის განვითარების მიმართულებით.

ნაბიჯი მესამე: ზემოთ აღწერილი ორი ეტაპის წარმატებით გავლის შემთხვევაში პროექტი გადადის განხორციელების ფაზაში. განხორციელების ფაზაში აუცილებელი მოთხოვნაა კოოპერატივის წევრებმა გაიაროს მათთვის შემუშავებული ტრენინგების/კონსულტაციების ინდივიდუალური კურსი ბათუმის ბიზნეს ინკუბატორში.

საგრანტო პროგრამის პირობები

1. საგრანტო პროგრამა ვრცელდება ციტრუსის მრავალჯერადი გამოყენების დამახარისხებელი პლასტმასის ყუთებზე, ციტრუსის მოსავლის აღებისათვის განკუთვნილი სხვადასხვა საშუალებებსა და დასატვირთ/ჩამოსატვირთი ტექნიკური მოწყობილობების შეძენაზე;
2. განაცხადით მოთხოვნილი ციტრუსის დამახარისხებელი ყუთების მინიმალური რაოდენობა განისაზღვრება 1000 ერთეულით.
3. გრანტი არ გაიცემა ფულის სახით. საგრანტო კონკურსში გამარჯვებულ კოოპერატივს გადაეცემა შესაბამისი ღირებულების დამახარისხებელი ყუთები და დასატვირთი ტექნიკური საშუალებები, რომლებიც დაუყოვნებლივ აყვანილი უნდა იქნას კოოპერატივის ბალანსზე.
4. გრანტის მაქსიმალური ოდენობა შეადგენს 20,000 ლარს;
5. გამარჯვებული კოოპერატივების მხრიდან მოითხოვება 40% თანადაფინანსების უზრუნველყოფა ფულადი სახით;

საგრანტო წინადადების წარდგენა

საგრანტო კონკურსში მონაწილეობის მისაღებად მსურველებმა უნდა წარმოადგინონ:

1. ინფორმაცია ფერმერთა ჯგუფის წევრების შესახებ: მათი პირადობის ასლები და საკონტაქტო ინფორმაცია;
2. სრულყოფილი ინფორმაცია კოოპერატივის სამეურნეო საქმიანობის შესახებ; ციტრუსის ნაკვეთისა და წლიური საშუალო მოსავალის შესახებ. ინფორმაცია გასულ წლებში ციტრუსის წარმოებიდან, პროდუქციის პირველადი დამუშავება-დახარისხებისა ან შეფუთვის (ასეთი არსებობის შემთხვევაში) გათვალისწინებით და რეალიზაციების ჩათვლით.
3. ცალკე უნდა იყოს წარმოდგენილი ციტრუსის დამახარისხებელი ყუთებისა და დასატვირთი ტექნიკური საშუალებების სავარაუდო ღირებულება, რომლის შეძენის სურვილითაც მონაწილეობს კოოპერატივი/ჯგუფი საგრანტო კონკურსში;

საგრანტო წინადადების შეფასების კრიტერიუმები

საგრანტო პროექტების შეფასება განხორციელდება კომისიის მიერ რომლის შემადგენლობაში შედის აჭარის სოფლის მეურნეობის სამინისტროსა და გაეროს განვითარების პროგრამის თანამშრომლები და მოწვეული ექსპერტები.

შეფასების კრიტერიუმები

აპლიკაციების პირველადი შეფასება მოხდება 6 კრიტერიუმის მიხედვით:

კრიტერიუმი #1: კოოპერატივში მინიმუმ 5 დამოუკიდებელი ციტრუსის მეურნეობა უნდა იყოს გაერთიანებული;



- კრიტერიუმი #2:** რამდენად იკითხება კოოპერატივში კოოპერაციის ნიშნები. სხვა სიტყვებით კოოპერატივის წევრების გაერთიანება ხელოვნურია თუ რეალურ საჭიროებას ეფუძნება.
- კრიტერიუმი #3:** რამდენად გააჩნია კოოპერატივის წევრებს გამოცდილება საგრანტო პროექტში აღწერილ საქმიანობაში.
- კრიტერიუმი #4:** რამდენად გააჩნია კოოპერატივის წევრებს საგრანტო აპლიკაციაში მითითებული პროდუქციის რეალიზაციის გამოცდილება.
- კრიტერიუმი #5:** პროექტში მითითებულ საქმიანობასთან დაკავშირებული რისკების შეფასება და ამ რისკების შემცირების ძალისხმევა;
- კრიტერიუმი #6:** გრანტის ფულადი ექვივალენტი - გრანტის საშუალო წილი კოოპერატივის თითოეულ წევრზე.

დამატებითი შეფასების კრიტერიუმები

საგრანტო პროექტს დამატებით ენიჭება ქულები თუ:

1. ორიენტირებულია ქალების დასაქმებაზე და მონაწილეობაზე;
2. ორიენტირებულია და არ ეწინააღმდეგება სურსათის უვნებლობის პრონციპებს;
3. იმ კოოპერატივს, რომლის წევრთა რაოდენობა აღემატება მინიმალურ მოთხოვნას;
4. არ აბინძურებს გარემოს. გადამუშავება ითვალისწინებს ე.წ. „მწვანე“ ტექნოლოგიებს;
5. პროექტის საქმიანობა კავშირშია სხვა ფერმერთა კოოპერატივებთან.
6. კოოპერატივის წევრები სარგებლობს აგროდაზღვევით

შენიშვნა: დამატებითი შეფასების კრიტერიუმები გამოიყენება რამოდენიმე თანაბარი ტიპის პროექტს შორის უპირატესობის განსაზღვრისთვის.

საგრანტო წინადადების მიღება

საგრანტო წინადადების მიღება გაგრძელდება 2016 წლის 26 სექტემბრის ჩათვლით.